



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Catholisch Pfarbuch Oder Form vnd Weise/ wie die  
Catholischen Seelsorger (jetziger hochgefährlicher zeit)  
jre Krancken eingepfarrten ohne vnderscheidt besuchen  
... sollen**

**Leisentritt, Johann**

**Cölln, 1590**

**VD16 L 1067**

5. Form vnd weiß von recht Christlicher vermahnung zur heilsamen Buß.

**urn:nbn:de:hbz:466:1-39235**

Bishero lauthet die Historia von berhüter Frauen zu Edessa inn Mesopotamia / es weren wol mehr dergleichen Historien vorhanden / da es die gelegenheit geben möchte zu erzehlen / Darauß sichtiglich zubefinden / wie gar vil frommer Christen / vnd Martyrer / im gehorsam der Allgemeinen Christlichen Kirchen / vnd derselben Catholischen Religion beständiglich verharret haben / der Ketzern verfolgungen / Tyrannen vnd widerwertigkeiten / sich nichts irren noch anfechten lassen / sondern frewdig vnd frölich in todt gangen / das man jeso vil findet (leider) die nicht so frölich zur Mahlzeit oder zu Tisch gehn / als ihene / sich so beherzt erzeigt haben / vnd also getröst gewesen / in berürter allgemeiner Christlicher Kirchen unzertrennter Einigkeit (außerhalb derer kein heil noch seligkeit ist) ir blut vmb des Namen Christi willen zuergießen / vnd haben auß Christlicher liebe nach dem beuelch Gottes / nichts destweniger für ihre feinde gebetten. Solches verleihe vns auch der Allmechtige / gütige Barmherzige Gott / Durch Jesum Christum seinen geliebten Sohn / vnsern Heylandt vnd Seligmacher / vnd laß sein bitter leiden an vns armen Sündern nit verlohren sein.

Gehorsam  
der h. All-  
gemeinen  
Kirch.

Außerhalb  
der Kirche  
kein selige-  
keit.

1. Pet. 2.

A M E N.

## Form vnd weiß von recht Christlicher vermanungen zur heilsamen Buß.

Jacob. 5.

Ist jemandt krank vnter euch / der ruffe zu jm die Kirchen Priester / vnd lasse sie vber jnen betten / vnd jnen salben mit dem Del in dem Namen des Herren / vnd das gebett des glaubens wirdt dem Kranken helfen / vnd der Herr wirdt ihn erleuchten / vnd so ehr hat sünde gethan / werden sie jme vergeben.

B iij Ein

Ein rechte Catholische vnd wahre Christliche vermanunge / zu einem siechen / schwachen / krankten / vnd lagerhafftigen Christen / der in betrachtung vorstehender noth / vnd Todes gefahr / recht büßen / vnd mit Gott sich seliglich versöhnen soll.

## Der Priester.

*Iob. 5.  
Sap. 7.  
Rom. 7.  
Act. 14.  
Matth. 24  
Luc. 12.  
Psal. 129.  
Leuit. 13.  
Ioel. 2.  
Ezech. 18.  
Esai. 45.*

**N**Ein lieber Freund / demnach du auß sonderlicher schickung **GOTTES** mit Leibes schwachheit beladen wirst / auch ohne diß ein jeder Mensch wissen soll / das er sterblich sey / vnd nichts gewissers dann der Todt / auch nichts vngewissers dann die stunde er zu gewarthen habe / Das wahrlich also die hohe nothdurfft erfordert / vnd ein jeder frommer Christ / an seinem eigen heil gar wol thut / das er sie ehe vnd besser / fürnemlich nimmermehr in krankheiten vnd Todtsnöthen / zu Gott seinem Herrn / von dem er sich durch die gethane sünde abgewandt hat / durch die heilsame Sacramentalische Busß / widerumb sich bekehre / vnd seiner Göttlichen hülde / habhaftig werde / dann wann du nach begangner Sünd vnd missethat ohne Busß / rew / leidt vnd schmerzen / auch on begeren vnd seuffsen Göttlicher gnaden vnd barmherzigkeit bleiben soltest / würdest vnd müßtestu als die vnglaubigen ewig verdammte sein / vnd ahn dem reich Gottes nimmermehr theil haben.

*Luc. 5.  
Matth. 9.  
Marc. 2.*

Darumb ist die heilige Penitens oder Busß ein solch edles thewres / gnadenreiches vnd seliges ding / dauon vnser Herz Ihesus selbs gesagt / das er sey kommen auff erden / die Sünden

der

der zur Buße zu ruffen / auff das sie auch durch in selig wurden / welches sonst zugesehehen vnmöglich. Hier auff drin get / die ganze Predigte des neuen Testaments / als offft sie ruffet vnd spricht (Thut Buße) vnnnd entpfahet vergebung ewer sünden / werdet jr nicht büßen / spricht der Herr / so werdet ihr alle verloren sein.

Der halben hat Christus den Aposteln vnd iren nach komlingen vnter andern auch beuelch geben / das sie die buß / vnnnd darauff die vergebung der sünden predigen sollen / bei des vmb vnd durch seinen Namen / als vnsero einigen Erlösers / vnnnd Seligmachers willen / dann wehe dem Menschen ewiglich / der in seinen sünden ohne büß vnd besserung seines wesens vnd leben stirbet / Aber dargegen / wol dem / welchem Gott ein büßfertiges leben verleihet / 2c. Welcher nun solches begeren vnnnd haben will / der muß warlich Gott bitten / Wie er selbst leret vnd befihlet / sprechende / Bittet so wirdts euch gegeben / vnnnd der da anklopffet dem wirdt aufgethan werden / dann Gott der Herr / des Sünders todt nit begeret / als der Prophet sagt / sondern das er sich bekere / vnnnd lebe / zeitlich vnd ewiglich.

So lasse der wegen lieber gutter freunde / dir von ganzem herzen / vnd bitterlichen gemüth leit sein / das du die welt / das fleisch vnnnd Sathan dich hast versüren lassen / die furcht Gottes außgeschlagen / Gottes gebott gebrochen / Götliche Majestat verletzet / des fleisches willen gethan / vnd dieser bösen Welt mehrer gehorsam gewesen vnd gedienet / dan deinen lieben Gott / Vatter / vnd Herrn Ihesu Christo / deinen Erlöser vnd Seligmacher / darumb du (wie der verlorn Sohn) mit munde vnnnd herzen sprechen solst / Das du nicht würdig seist / das du sein Son (oder tochter) genennet werdest.

Wie aber diesem allen / weil du ohne zweiffel mit rewigem herzen zu G D I E wider kommest / mustu standhaftig

Ezech. 18.  
Eccl. 2.  
Hier. 18.  
Matth. 3.  
Luc. 13. 11.  
Mar. 1.  
Act. 2.  
Apoc. 2.  
Marc. 6.  
Luc. 11. 24  
Act. 4.  
Ephe. 1.  
Marc. 1.  
Eccl. 2.  
Matt. 3.  
Matth. 7.  
Marc. 6.  
Luc. 11.  
Ioan. 14.  
Ezech. 18.

Matth. 3.

Luc. 3.

Apo. 2.

Matth. 16.

Apo. 1.

Ioan. 7.

Luc. 17.

haftig sein/an deinen Schöpffer / vnd Erlöser gar nicht versagen / sonder / auß ganken gemüß seiner gütte vnnnd barmherzigkeit vertrauen / vnnnd durch seine Gottliche gnadt / vorhabens vnd willens sein. von deinen sündlichen / ergerlichen / verdamlichen / bösem leben abzulassen / vnd hinfurdt fur das böß / gutes zuthun / willig bereit vnd vnbeschwert sein / des Priesters / vnnnd der Christlichen Kyrchen auffgelegte Penitentz / vnd zuchtigung annemen vnnnd halten / Daneben auch die frucht der büß volbringen / vnd gedenccken / das du Gott vngewissen lebens / nach Gottes gebotten richtest / auff das du vollkommene erlösung erlangest / beide hie auff Erden / vnnnd droben im Himmel / vermüge der heiligen Kyrchen schlussell / vnd von Christo Jesu entfangener gewaltd / Da dir solches nun herzlich lieb ist / so sprich / Iha / vnd sage mir zu / das du deine sünde mir / oder einen andern ordentlichen Catholischen Priester / gebürlicher weise beichten vnd bekennen / Auch darauff die gebürende trostliche Absolution besgern vnnnd empfangen wildest / in derer kraft oder gewalt du wissen vnd entlich gedenccken solt / an die Wort des Herrn / do er spricht / Gehe hin / vnd sündige nicht mehr / auff das dir nichts ergers widerfare / **AMEN.**

Ein andere vermanung vnd guter bericht an den Krancken / wie er sich zu der Buß / oder Penitentz bereitten vnnnd gefast machen soll / vnd was recht heist Büßen.

**S** Elieber in Christo / es ist von nöthen / das du in dieser deiner gegenwerthigen schwachheit vnnnd krankheit / zur besserung deines lebens dich gefast machest / vnnnd hierauff